

Sulinerup nalaani ajutoornerit nalunaarutigineqartarnerat pillugu Kalaallit Nunaannut nalunaarut

Kalaallit Nunaanni sullivimmi avatangiisit pillugit inatsimmi § 58 aamma § 67 naapertorlugit aalajangersarneqarput:

§ 1. Sulinermi ajutoornerit oqunartuninnerillu piaarnerpaa mik taama attorli kingusinnerpaamik ullut qulingiluannagortinnagit sulisitsisup suliffiutimini taamatut pisimasut sullivinnik nakkutilliisoqarfimmut nalunaarutigissavai. Nalunaarutiginninnissaq pisassaaq ajunaameq toqunartuninnerluunniit ullup ajunaarfusup ullormik ataatsimik imaluunmut sivilisunerusumik sulisinnaannginnermik kinguneqaraanngat.

Imm. 2. Suliffimmi sulisitsisoqarfiunngitsuni teknik-kikkut atortorissaarutinik piginnittup (atuisup) sulinermi ajutoornerit toqunartuninnerillu atortorissaarutit atornerini pisut aamma nalunaarutigissavai.

Imm. 3. Imm. 1 aamma 2 malillugit nalunaaruteqarnermi immersugassat aalajangersimasut sullivinnik nakkutilliisoqarfimmi pineqarsinnaasut atorineqassapput. Nalunaarutiginninnermi immersugassat sullivinnik nakkutilliisoqarfimmi t nassiunneqa rta ssapput. Nalunaaruteqarluni immersugassap nuuttinnera sullivimmi isumannaallisaanermik aqqissuussiviusumut imaluunniit taamaattoqanngippat ajoqusersimasumut tunniunneqassaaq.

Imm. 4. Ajutoornerit, toqunartuninnerit inuutissarsiornermilu nappaataalersimasut toqumik imaluunniit ajoqutissarsinermik annertuumik kinguneqarsimasut aammattaaq sullivinnik nakkutilliisoqarfimmut piaartumik nalunaarutigineqartassapput.

§ 2. Nakorsat, kigutilerisullu pisussaapput sullivinnik nakkutilliisoqarfimmut nalunaaruteqarnissamik inuutissarsiornermi nappaatinik ajoqusernerusimasunilluunniit assigisaannik tunngaveqartumik malugisaqarnermikkut imaluunniit pasitsaassaqarnermikkut.

Imm. 2. Nalunaaruteqarnermi immersugassaq aalajangersimasooq sullivinnik nakkutilliisoqarfimmi pineqarsinnaasooq atorineqassaaq.

§ 3. § 1 aamma 2-mik unioqqutitsisoq akiliisinneqassaaq.

§ 4. Piginneqatigiiffiit (aktie-, anparts-, aamma andeisseiskaber) imaluunniit allat taamatut ittut unioqqutitsippata taava taakku akiliisussanngortinneqarsinnaapput. Namminersornerullutik oqartussat, kommune ataaseq kommunelluunniit peqatigiillutik unioqqutitsisimatillugit taamatuttaaq taanna atuuppoq.

§ 5. Nalunaarut atulerpoq 1. juli 1986.

Arbejdsministeriet, den 24. juni 1986

HENNING DYREMOSE

/Henrik Grove

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut